

সারাদেশ

## নরসিংদীর গ্যাস-বিদ্যুৎ সংকট নিরসনে এফবিসিসিআই প্রশাসকের সঙ্গে চেম্বার নেতাদের মতবিনিময়

প্রতিবেদক: নরসিংদী প্রতিনিধি

প্রকাশের তারিখ: রোববার, ৩০ আগস্ট ২০২৬, ০৫:২৩ PM



নরসিংদীর শিল্পকারখানায় গ্যাস ও বিদ্যুতের সংকট নিরসনসহ ব্যবসায়ীদের বিভিন্ন সমস্যা নিয়ে ফেডারেশন অব বাংলাদেশ চেম্বার্স অব কমার্স অ্যান্ড ইন্ডাস্ট্রির (এফবিসিসিআই) নবনিযুক্ত প্রশাসক ফজলুল হকের সঙ্গে মতবিনিময় করেছেন নরসিংদী চেম্বার অব কমার্স অ্যান্ড ইন্ডাস্ট্রির নেতারা।

সোমবার (১০ আগস্ট) এফবিসিসিআইয়ের হলরুমে নরসিংদী চেম্বার অব কমার্স অ্যান্ড ইন্ডাস্ট্রির প্রেসিডেন্ট রাশেদুল হাসান রিন্টু (সিআইপি) নেতৃত্বে চেম্বারের পরিচালনা পর্ষদের সদস্যরা ফজলুল হকের সঙ্গে সৌজন্য সাক্ষাৎ করেন। এ সময় তাঁকে ফুলেল শুভেচ্ছা জানানো হয়।

সাক্ষাৎ ও মতবিনিময়কালে নরসিংদীর ব্যবসায়ী ও শিল্প উদ্যোক্তাদের বিভিন্ন সমস্যা নিয়ে আলোচনা হয়। বিশেষ করে জেলার শিল্পকারখানাগুলোতে গ্যাস ও বিদ্যুতের অনিয়মিত সরবরাহের বিষয়টি তুলে ধরেন চেম্বার নেতারা। এ সংকট দ্রুত নিরসনে প্রয়োজনীয় পদক্ষেপ নিতে এফবিসিসিআই প্রশাসকের প্রতি আহ্বান জানান তাঁরা।

চেম্বার নেতারা বলেন, গ্যাস ও বিদ্যুতের অনিয়মিত সরবরাহের কারণে নরসিংদীর শিল্পকারখানাগুলোর উৎপাদন ব্যাহত হচ্ছে। এতে ব্যবসায়ীরা আর্থিক ক্ষতির মুখে পড়ছেন। পাশাপাশি নতুন বিনিয়োগ ও কর্মসংস্থান সৃষ্টিতেও এর নেতিবাচক প্রভাব পড়ছে। শিল্পের স্বাভাবিক উৎপাদন বজায় রাখতে এ সমস্যা দ্রুত সমাধান করা জরুরি।

মতবিনিময়কালে ব্যবসা-বাণিজ্যের পরিবেশ উন্নয়ন, শিল্প খাতের সমস্যা সমাধান এবং ব্যবসায়ীদের স্বার্থসংশ্লিষ্ট বিভিন্ন বিষয় নিয়েও আলোচনা হয়। এসব বিষয়ে এফবিসিসিআইয়ের সহযোগিতা কামনা করেন নরসিংদী চেম্বারের নেতারা।

এ সময় উপস্থিত ছিলেন এফবিসিসিআইয়ের সাবেক পরিচালক প্রবীর কুমার সাহা, নরসিংদী চেম্বারের ভাইস প্রেসিডেন্ট হাসিব আহমেদ মোল্লা এবং পরিচালক মো. নাজমুল হক ভূঞা, মো. দেলোয়ার হোসেন দুলাল, মো. দেলোয়ার হোসেন, নাসির আহমেদ রিগান, মো. সারোয়ার হোসেন ভূঞা (বান্টু), আসাদুজ্জামান ও মো. সোহেল সরকার।

## এ বিভাগের আরও খবর



পদ্মায় নিখোঁজ ছাত্রদল নেতা রকির মরদেহ উদ্ধার  
কুষ্টিয়ার ভেড়ামারায় পদ্মা নদীতে নৌকা ভ্রমণে গিয়ে হার্ডিঞ্জ রিজের পিলারের সঙ্গে ধাক্কা লেগে নিখোঁজ ঝিনাইদহের শৈলকুপার পৌর ছাত্রদলের সদস্য...



আন্তগঞ্জে রুমিন ফারহানাকে অবাস্ত্বিত ঘোষণা, বিএনপির বাড্ডা মিছিল  
জাতীয় সংসদে বিএনপির সমালোচনা করে দেওয়া বক্তব্যের প্রতিবাদে ব্রাহ্মণবাড়িয়ার আন্তগঞ্জে ব্রাহ্মণবাড়িয়া-২ আসনের স্বতন্ত্র সংসদ সদস্য ব্যারিস্টার...



সাতক্ষীরায় সড়ক দুর্ঘটনায় পথচারীর মৃত্যু  
সাতক্ষীরায় যাত্রীবাহী বাসের ধাক্কায় আব্দুল মাজেদ (৬০) নামে এক পথচারী নিহত হয়েছেন। আজ রোববার সকাল সাড়ে ১০টার দিকে সাতক্ষীরা-খুলনা মহাসড়কে...



ব্রাহ্মণবাড়িয়ায় কনসার্ট ইস্যুতে সমঝোতা, মানতে হবে যে শর্ত  
ব্রাহ্মণবাড়িয়া সরকারি কলেজের নবীনবরণ উপলক্ষে কনসার্ট আয়োজনকে কেন্দ্র করে সৃষ্ট বিরোধের অবসান হয়েছে। শনিবার (১৩ সেপ্টেম্বর) সন্ধ্যায় ব্রাহ্মণ...

Copyright Dhaka Probe

অনলাইন সংস্করণ পড়তে ভিজিট করুন:

<https://www.dhakaprobe.com/saradesh/nrsingdir-gjas-bidjut-sngkt-nirsne-efbisisiai-prshasker-sngge-chembar-netader-mtbinimy>